


رساله من طالب بكلية اللغات والترجمة يحكى ما حدث له بعد القبض عليه



الأحد 19 يناير 2014 12:01 م

بسم الله الرحمن الرحيم

هذه رساله من طالب معتقل فى سجن اول مدينة نصر يروى فيها ما حدث له داخل القسم هو واصدقائه من كلية اللغات والترجمة

(احنا كنا ماشيين فى الشارع فى اول مكرم فجه وقف قدامنا ميكروباص ونزل منه ناس كتير بلبس مدنى ومعاهم اسلحه وخذو منا البطايق والموبايلات وركبونا الميكروباص طبعاً مع السباب بالاب والام والضرب والاهانه وركبونا فوق بعض ومشيووا بينا وفى الطريق كان طالب فى كلية هندسه اسمه احمد فكرى كان بيشارو لميكروباص العاشر فوقفوله وقالوله انت رايح فىن فجرى فجرى وراه وضربوا عليه نار واخذوه ركبوه المهم وصلنا القسم واحنا نازلين كان فى قوات خاصه قالو محدش يضرب طلعتنا فوق فتشونا واخذوا الفلوس اللى معانا وقطعو الغانله الداخليه لكل واحد وغموا بيها عنيه

قبلها كانوا نزلونا تحت فى مكتب المأمور وكان فى تحت ظباط جيش وبعض الناس بس كان شكله رتب وبعد كذا جه واحد جسمه ضخم كذا وسالنا واحد واحد سأل الاول مصطفى وضربه وبعد كذا احمد فكرى وضربه ودخل على عبدالرحمن النبوى صراحة قسى عليه شويه لحد ماوقع عالارض

ودخل عليا وسالنى وضربنى وبعدين اسامه ماهر زود الضرب عليه شويه لحد ماخلاه يقول اننا اخدنا 50 جنيه علشان ننزل مظاهرات وبعد كذا دخلونا مكان بس معرفتشو لانهم كانوا مغمين عينيا فيقولوه لو اسمحت عاوز ادخل الحمام قالى اسكت يابن هو احنا فى حضانه قوتله هو اللى فى حضانه بس بيدخل الحمام انت مبتدخلش الحمام ؟

مردش قولت حسبنا الله ونعم الوكيل ادايق كده وزعقلنى وضربنى وبعدين دخلنى الحمام وبعد كده جه امين شرطه اسمه عبدالباسط بس اعوذ بالله معندوش حاجه غير سب الدين ودخلونا اوضه كذا وفيها طرايبزه مرصوص عليها سكاكين ومطاوى وسنج وشومه ونضارة غطس وموبايلتنا وصورنا معاها وجابو ناس جديده واحنا واقفين وضوبوهم جامد وبهدلوهم بعد كذا نزلنا على الحجز المغرب

وطبعاً شتايم وقله ادب واللى شتمونا تحت اسمهم (رجب - عادل) وفقتشونا واخذو الاحزمه وميداليات المفاتيح كمان وبعد كذا وزعونا كل اثنين فى حجز عبدالرحمن واسامه فى حجز 3 (حجز الكفار) بييسموه كذا فى القسم وانا وابراهيم فى حجز 4 واحمد ومصطفى فى حجز 5 دخلنا انا وابراهيم الحجز كان فيه ما يقارب 65 فرد فى اوضه وسعها 4فى 5 متر قاعدين كذا على بعض وفى واحد اسمه (#نبتشى)

دا عباره عن مسجون قديم زى مسؤول الحجز وبتدفعه فلوس اول ما تدخل مكان نومه #حمسين جنيه بس قوتله اخدوا فلوسى فوق قالى خلاص كل زياره تجيب 20 جنيه بعد شويه جه نادى علينا واحد من بره وخرجنا واتجمعنا احنا الستة وحط الكلايشات فى ايدينا ووشنا للحيط وقالنا كل واحد يطلع 50 جنيه ياولاد..... فقولناله اخدوا فلوسنا فوق فكان فاضل مع عبدالرحمن 100 جنيه اخدها

وبعد كذا ضربنا وبعد كذا طلعتنا لوكيل النيايه وكان جثته كبيره كذا وكانت نفس الاوضه اللى اتصورنا فيها وسالنى بدات احكيه اللى حصل والقى عليا رصة تهم مش فاكتر غير جزء منها من كترها منها (اخلال بالوحده الوطنيه - تعريض المواطنين للادى - ايقاف كامل القانون - حيازة سلاح ابيض (مطواه قرن غزال) - انتماء لجماعه ارهابيه - تعكير الامن العام)

قوتله محصلش والمطوه دا انا مشوفتهاش غير الصبح هنا عالطرايبزه وصورنا والمعاصى طلب احالة المطوه للطب الشرعى برفع بصمات ورجعت للحجز ودخلت وسالنى النبتشى واسمه فووولى على 20 جنيه بما انى كنت فى زياره قوتله مش ادانى قالى روح اقف عند الحمام طبعاً ريحته وحشه جدا جدا مرمى فيه زباله وبيستعمله 65 واحد فاحد المساجين ادانى علبه سجاير وقالى اعطيها للفولى واديتهاالى

وقعدنى بعد كذا

نادو علينا تانى علشان نطلع المباحث فوق واخذونا واحد واحد وغموه جامد بداو بابراهيم مجدى ودخل قعد حوالى تلت ساعه وجه شكله مرهق جدا جدا وتعبان واللى مغميه قاله تعد ومتكلمش مع حد خالص وضربه على رأسه وبعد كذا دخلت انا مغمى عنيا وكنت مرعوب بعد ماشوفت ابراهيم وحالته ودخلت واحد قالى اقعد على ركبك هما كانوا تلاته ومعايها الامين وكانوا امن دوله قالى اسمك ؟ قوتله

..... فنين ؟ بتصلى فىن ؟ بتحضر دروس لمين فى المسجد ؟

قوتله مش بحضر مفيش اصلا دروس فى المسجد بتقرأ ايه ؟

قوتل بقرا بعض كتب الكليه وقوتله بعض اسم المواد ايه اللى جابك هنا ؟

جای علشان اشتغل فى معرض الكتاب قالى بص يابنى انت بتصلى ميتفعلش تصلى وتكذب وقام ضاربنى على دماغى وقالى كل اللى فات
دا كذب وانت كان معاك مطوه جاييه ليه ؟
قولته مكانش معايا قالى مصطفى كان بيقول انك كان معاك واصلا مكانش مصطفى لسه دخل لانى كنت التانى بس طبعا مرضيتش
اقوله كدا علشان ميؤودش فى الضرب وقولته يقول براحتة انا مكانش معايا بدا يضربنى بالرجل فى كل مكان فى جسمى ويقولى ريحنا
يابن انت كان معاك جبتها منين احنا مش عايزيم منك حاجه بس لو مقولتش جبتها منين مانتش خارج من هنا
وهتأخذ **15** سنه قولته ياباش انا معرفهاش اصلا بيقى هعرف ازاي بتجاب منين !
بص ياباش قول عايزنى اقول ايه وانا هاقول قولى بتجاب منين وانا هاقول قالى بتنزل مظاهرات فى الجامعه ؟ قولته لا طب تعرف اخوان
فى الجامعه قولته لا وفضل يضرب بالرجل واليد طول التحقيق لحد ما خلص وكنت منهك جدا جدا من كتر الضرب وبعد كده الايام فى الحجز
عادى زى بعضها